

Yenye kufahamika vibaya kuhusu uislam

14- SWAHILI

مفاهيم خاطئة حول الإسلام (04/05)

FREE COPY

Kitu gani unachokijua kiukweli kuhusu Uislamu?

Utangulizi

Uislamu ni katika dini kubwa na zenye kuenea kwa kasi duniani, lakini ndio dini yenye kufahamika vibaya zaidi kwa sababu tofauti, ziwe za kisiasa, kiuchumi, matakwa ya vyombo vya habari au khofu ya mambo mengine. Mambo yasio ya kweli na mambo yenye utata yameenea kuhusu uislamu. Jambo la muhimu katika kuufahamu uislamu na waislamu ni kuwacha kuamini fikra zilizoenea na kuchunguza kila kitu kulingana na mafundisho ya uislamu na misingi sahihi ya uislam.

1. Waislamu hawawatakii kheri wasiokuwa waislamu, wala hawaishi nao kwa wema.

Wanazua baadhi ya watu kwamba mila za kiislamu haziendi sambamba na mila za kimagharibi, na uzushi huu uko mbali sana na ukweli.

Na tunasema hivi kwasababu waislamu wanazipenda mila nzuri za kidunia kama vile:

- Kuwa muaminifu na muadilifu
- Kuwa mwenye kuchunga miadi
- Kukubali uhuru wa kiitikadi
- Kuheshimu wazee wawili, na ndugu, na jirani, na mkubwa wako kwa miaka.
- Kutoa katika mambo ya kheri, kuwa mkarimu, na kusaidia mafakiri na wenye haja
- Na kuwafanyia wema jirani
- Kutodanganya, kutoghushi, wala kutukana au kusengeny mtu yeyote.

Na waislamu wanatakiwa kuisaidia jamii vizuri, na kuzilazimisha nafsi zao kuwa na tabia njema na kuzungumza maneno mazuri na kutenda matendo mema.

2. Waislamu wanamuabudu Mungu mpya anaeitwa "Allah".

Na neno "Allah" ni neno ambalo lina maana ya Mungu katika lugha ya kiarabu, na ndio neno lenye maana pana na ya dhati, lenye kumaanisha mola mmoja aliepwekeka. Na ndio neno wanalolitumia wakristo na mayahudi waarabu kuashiria neno "Mungu".

Amesema mtume Muhammad (amani ya Allah iwe juu yake) "mbora wenu ni mwenye tabia nzuri zaidi miongoni mwenu" Ahmad (24204)

huyo huyo (muumba) mmoja, lakini ufahamu wao kuhusu Mungu ni tofauti sana, kwa mfano waislamu wanakataa kuwepo wazazi au watoto wa Mungu, au Mungu kuwa ni mmoja wa waungu watatu na wanaelekeza ukamilifu wote kwa Allah (mtukufu) pekee.

Kwa hakika waislamu wanamuabudu Mungu yule yule waliemuabudu mitume wote kabla yao, Nuhu, na Ibrahim na Mussa na Issa.

3. Uislamu unaruhusu ugaidi.

Vyombo vya habari vinajenga picha ya kwamba kila muislamu anaepigana kuwa ni gaidi, bila ya kujali kuwa anapigana katika haki au la, au kuwa yeye ndie anaekandamiza au anaekandamizwa.

Na Uislam unapinga sana kumpiga asiekuwa mpiganaji katika vita, waislamu hawaruhusiwi kuharibu miti na wanyama bila ya ruhusa, na kuwaacha watu wasio na hatia. Lakini ni muhimu kutofautisha baina na ugaidi na kukataa kutawaliwa, haya ni mambo mawili tofauti.

Na Uislamu umeweka wazi hatari ya kua nafsi iliokatazwa kuuliwa, na imetilia umuhimu kuthamini maisha na watu:

"(kwamba) Atakaemuua mtu bila ya yeye kua mtu, au bila ya kufanya ufisadi katika nchi basi ni kama alieua watu wote, na mwenye kumwacha hai mtu mmoja ni kama amewaacha hai watu wote" Al-Maidah 32

4. Uislam unamkandamiza mwanamke

Katika uislam wanaume na wanawake wako sawa mbele ya Allah, katika kupata thawabu na adhabu katika matendo yao na kwamba hakuna ubora wa mtu kwa mtu mwengine mbele ya Allah isipokuwa kwa uchamungu.


"Kwa hakika aheshimiwaye sana miongoni mwenu mbele ya Allah ni Yule amchae Mungu zaidi katika nyinyi" Al-Hujurat 13

Na aya hii inathibitisha kwamba utukufu wa kweli hauwi kwasababu ya ufakiri wa mtu au utajiri wake, na weusi na weupe wake, isipokuwa unakuja kwa uchamungu na ukweli, sawa sawa akiwa ni mwanamme au mwanamke.

Na uislamu umempa mwanamke heshima na haki zake zote, kama vile haki ya kulipa, haki ya kuchagua mchumba amtakae, na kutafuta elimu, na kutaka kuachwa na haki ya kupata fungu lake katika mirathi.

Kwa masikitiko makubwa kuna baadhi ya wanawake wa kiislamu ambao wanakandamizwa na hawapewi haki zao. Na hii si aibu kwa

Na ameumba Allah mtukufu jinsia zote wanaume na wanawake, na akawapangia majukumu yao kwa kuzingatia tofauti zao (za kimaumbile).



مركز المعلومات الإسلامي
Islamic Information Center

www.islamicic.com

Your Path To Peace..



www.daralber.ae

Reference: www.islamicpamphlets.com

uislam, lakini ni aibu ya baadhi ya nchi ambazo watu wanafuata mila na tamaduni ambazo hazina uhusiano na uislam.

5. Qur-an ni kitabu cha historia na ushairi.

Qur-an tukufu ni maneno ya Allah mtukufu, aliyomfunulia mtume Muhammad (amani ya Allah iwe juu yake). Nayo ni yenye kupambanua baina ya (haki) ukweli na (batili) uongo, na imekusanya misingi ya uongofu ambao watu wote wanautafuta.

Qur-an inaeleza mazingatio na masomo katika visa vya mitume iliopita na watu wao ili tujifunze kwa mfano wao.

Na vile vile Qur-an inatuhabarisha kuhusu Allah na kuhusu sisi wenyewe, na lengo la kuumbwa kwetu, ambako ni kumtambua na kumpwekesha Allah, mola wa walimwengu wote.

Kwa hakika Allah hakutuumba bure na hakutuacha bila mwelekeo. Na kujaribiwa imani ya mja ni katika kuitumia akili yake, matakwa yake, na fikra zake na ili aongoke kwa kuvitumia vitu hivyo ili atambue uwepo wa mola muumba- na moja katika dalili kubwa (za uwepo wa Allah) ni Quran

Na njia bora ya kuijua Qur-an inazungumzia nini ni kuisoma wewe mwenyewe.

Qur-an imekusanya miujiza mengi ili (ituthibitishie, na) tusiwe na shaka kwamba inatoka kwa mola muumba wa ardhi na mbingu.

6. Hijab ni jambo la kumkandamiza mwanamke.

Tuiangalie Hijab kwa mazingatio, kwani waislamu wanawake wameamrisha kufunika miili yao kwa mavazi mema na wasidhihirishe mapambambo yao kwa wasiokuwa maharimu wao katika wanaume.

Na hijabu sio vazi la nje pekee, kwa hakika hijab ni kuzungumza maneno mazuri, na vile vile kuwa tabia njema.

Japokuwa kuna faida nyingi za hijab, sababu kuu ya wanawake wa kiislamu kuchunga hijab ni kwasababu ni amri kutoka kwa Allah na yeye ni mjuzi wa yalio bora na yanayowafaa waja wake.

Kwa hakika hijab inamtukuza mwanamke kwa kutilia mkazo uzuri wake wa ndani /wa kiroho baada ya kuona uzuri wake wa nje. Nayo (hijab) inawapa uhuru wanawake kuwa washiriki wazuri katika jamii zao, hapo hapo huweza kulinda heshima zao.

Hijab haiashirii unyanyasaji au ukandamizaji, lakini ni ngao dhidi ya kudharaulika, na kutengwa bila ya haki. Kwahiyo mara nyengine utakapomuona mwanamke muislamu, fahamu ya kwamba anachokifunika ni umbile lake sio akili yake.

7. Waislamu wote ni waarabu

Ukweli hauko hivyo, asilimia 20% tu ya waislamu ndio waarabu, maana yake ni kwamba asilimia 80% ya waislamu, si waarabu. Kwa mfano kuna wahindi waindonesia ambao ni waislamu kuliko waislamu waarabu.

Na katika mafundisho ya uislam ni kwamba hakuna ubora wa mtu kwasababu ya rangi yake, na uislam umepinga sana ubaguzi wa rangi. Uislam una ujumbe kwa watu wote, kwamba kila mmoja apate amani na mafanikio kwa kumwamini Mungu wa kweli mmoja tu ambae ni "Allah".

8. Jihad ni Ugaidi

Maana halisi ya neno "Jihad" ni kupigania na kujitolea mtu kwa ajili ya dini yake katika namna ambayo inamridhisha Allah. Kilugha neno "jihad" lina maana ya "kupigania" na ina maana mtu apiganie kufanya matendo mema, kuchangia mambo ya kheri au kuunda nguvu moja kazi ya jeshi la kiislamu. Maana maarufu ya neno Jihad ni hii ya jeshi la kiislamu ambayo imeruhusiwa kwa ajili ya kulinda ustawi wa jamii na kulinda kutoenea unyanyasaji na kulinda haki. Lakini hii inaweza kuwa ulinzi au hujuma inategemea na hali.

9. Waislamu wanamuabudu Muhammad au Mungu wa mwezi.

Kwa hakika katika mafundisho ya Qur-an ni kuwaheshimu mitume wote, lakini kuwaheshimu na kuwapenda haimaanishi ndio tunawaabudu.

Vile vile jambo jengine lenye kufahamika vibaya ni kwamba waislamu wanamuabudu mtume Muhammad (amani ya Allah iwe juu yake). Hili si jambo la kweli kabisa, na inathibitishwa na kauli ya mtume "Musichupe mpaka katika kunisifu, kama walivyochupa mipaka manasra katika kumsifu Issa bin Maryam, kwa hakika mimi ni mja, basi semeni mja wa Allah na mtume wake" bukhari (3445)

Vile vile kuna uzushi kwamba waislamu wanaabudu "mungu wa mwezi" jambo ambalo sio sahihi kabisa. Katika Uislam, kuabudia mwezi, au chochote ambacho sio Allah kumekatazwa sana na ni shirki.

Amesema Allah mtukufu "basi msisujudie jua wala mwezi, bali msujudieni Allah alieviumba ikiwa nyinyi kweli mnamwabudu yeye(basi fanyeni hivi)". Fuswilat:37

Uislam unatambua ukamilifu, ukubwa na upekee wa Allah bila ya ujanja wowote. Basi yeye ni mola wa uadilifu na rehema. Kumwabudu Allah pekee ndio jambo la muhimu zaidi katika Uislam, kama ilivyotajwa katika maneno ya Allah (katika sehemu tofauti ndani ya Qur-an).

10. Uislam unaruhusu ndoa za kulazimishana

Ndoa za kupangwa (kuwalazimisha watoto kuoana) ni katika mila za baadhi ya nchi duniani. Japokuwa hazikukatazwa kwa waislamu lakini ndoa hizi zinahusishwa vibaya na Uislam.

Na katika Uislam, mwanamme na mwanamke wana haki ya kuchagua au kukataa mchumba. Mtume Muhammad (amani ya Allah iwe juu yake) "Mjane ana haki zaidi kwa nafsi yake kuliko (haki alionayo) walii wake, na (mwanamke) bikira ashauriwe, na idhini yake ni kimya chake" (Muslim 1421)

11. "Uislam unawalazimisha watu kuwa waislamu"

Japokuwa ni wajibu kwa waislamu kufikisha ujumbe wa Uislam kwa wengine, lakini hakuna atakaelazimishwa kukubali Uislam. Mtu mwenyewe kwa nafsi yake na bila ya kulazimishwa aamini na amtii Allah, hivyo hakuna mtu atakaelazimishwa kukubali Uislam.

"hakuna kulazimishwa (mtu kuingia) katika dini Uongofu umeshapambanuka na upotofu" (Baqarah 256)

Zingatia mambo yafuatayo:

- Indonesia ina waislamu wengi zaidi lakini hakuna vita vilivyopiganwa kuleta Uislam katika nchi hii.
- Inafikia idadi ya warabu milioni 14 ambao ni wakristo na wameishi na wanaendelea kuishi katikamoyo wa kisiwa cha waarabu kwa miaka mingi sasa.
- Uislam ndio dini inayoenea kwa haraka sana katika nchi za kimagharibi siku hizi.
- Japokuwa kupinga ukandamizaji na kutaka haki ndio sababu kubwa za Jihad, kuwalazimisha watu kukubali uislam si katika sababu za kisheria za Jihad katika uislam.
- Waislamu wameitawala Spain kwa miaka 800 lakini hakuna watu waliolazimishwa kutoka katika dini zao na kuingia katika uislam.

Hitimisho

Kujifunza Uislam kutoka vyanzo vibaya ni hatari na vinapelekea kuufahamu vibaya Uislam. Usiongozwe vibaya kwa kukubali mambo yasiosahihi na habari za uongo kuhusu uislam - imani inayofuatwa na zaidi ya robo ya watu wote duniani.

Je! Ujumbe wa Uislam ambao ni muongozo kwa watu wote hautakiwi kupokewa na kuchunguzwa kwa umakini mkubwa?

www.islamicic.com WhatsApp +97156 204 204 5

+971 4 3555 223 @info@islamicic.com 25020 Dubai - UAE islamicicdxb

DONATIONS VIA SMS: SEND THE WORD "ISLAM" TO

10 AED	Etisalat	2289
50 AED	Etisalat	2252
100 AED	Etisalat	2208